

歷代小史

明·李枏輯

歷代小史
上

江蘇廣陵古籍刻印社

影印说明

李栻字孟敬，江西丰城人。嘉靖进士，官浙江按察使。著有《困学纂言》等书。此书收辑历代野史、小史一百另六种，计一百零六卷。按所采史实，先后排列。自《路史》、《汉武故事》至明中叶《复辟录》止，每种删存一卷，遗闻逸事，为《稗史》、《类钞》等书中所未收者颇多。各书虽有删节，但重要节目，悉加甄录。并附有《滇载记》等地方杂史与《真腊风土记》等域外杂著。是书收罗宏富，所辑百另六种著作均为各种野史之名作，可补正史所不足，为考史工作者必备，亦可供史学爱好者阅读。现据明刊本影印出版。

刻歷代小史序

中丞趙公刻歷代野史委序于不佞不佞授而卒業侍御李公所集也仰而嘆曰世自洪荒以逮

昭代正史赫赫矣茲編百有餘家讀之疊疊而不厭假令出諸一人之手上下數千載間不尤快乎然首白可期汗青無

序

乙

日昔人已痛之矣仲尼志在春秋而幸史之闕文也豈非載筆之難與夫珍裘以衆腋成溫也大夏以群才合構也立明立傳廣包諸國所稱周志晉乘鄭書楚杌聚而會之混成一錄子長作記尤採群書所引世本國語戰國策楚漢春秋皆當時雅言事無邪辟即兩家號良

史何常專憑魯國方策之遺止紬石室金匱之藏而不謀諸野哉後若南董之直書不辟強御常崔之奮筆無所阿容庶幾哉左馬矣間有論一政而胡越相懸叙一時而參商是隔者彼陳壽志三國索米千斛賈緯修晉書誣銀八千鎰皆正史也其曲如此其實往往見于它

序

二

錄故虞初稗官之談山林澤藪之論淑以昭勸懲以示懲有足多焉况諸家之表表者乎學者坐披囊篋而神交者遠不出戶庭而窮覽者富矣二公嘉惠之功其在千百世之上千百世之下乎唐劉子玄作史通言文章興廢時命所關乃諸家之過二公竒邁矣又言後之為

野史者虛加練飾輕事彫彩體或兼乎
賦頌詞有類于俳優譬烏孫造室雜漢
儀耳敢謂茲編之盡無哉此讀小史者
所當知也

沔陽陳文燭撰

序

三

歷代小史目錄

一卷	路史	二卷	拾遺記
三卷	西京記	四卷	漢武故事
五卷	世說新語	六卷	海山記
七卷	開河記	八卷	迷樓記
九卷	隋遺記	十卷	隋唐嘉話
十一卷	唐語林	十二卷	翰林志
十三卷	松窓雜錄	十四卷	柳氏舊聞
十五卷	朝野僉載	十六卷	卓異記
十七卷	開天傳信記	十八卷	開元天寶遺事
十九卷	江行雜錄	二十卷	中朝故事
二十一卷	龍城錄	二十二卷	避暑漫抄
二十三卷	幽閒鼓吹	二十四卷	北夢瑣言
二十五卷	杜陽雜編	二十六卷	集異記
二十七卷	鄴侯外傳	二十八卷	楚新語
二十九卷	江南別錄	三十卷	默記
三十一卷	蜀橋杭	三十二卷	貽謀錄
三十三卷	孫公談圃	三十四卷	聞見雜錄
三十五卷	行營雜錄	三十六卷	鐵園叢談
三十七卷	高齋漫錄	三十八卷	談淵
三十九卷	春明退朝錄	四十卷	玉堂雜記
四十一卷	錢氏私志	四十二卷	惘陰舊話



四十三卷	揮塵錄	四十四卷	王氏揮塵錄
四十五卷	晉公談錄	四十六卷	王文正筆錄
四十七卷	貴耳集	四十八卷	古杭集記
四十九卷	國老談苑	五十卷	清夜錄
五十一卷	宣政雜錄	五十二卷	良岳錄
五十三卷	閒燕常談	五十四卷	退齋筆錄
五十五卷	避戎嘉話	五十六卷	朝野僉言
五十七卷	朝野遺記	五十八卷	白懶髓
五十九卷	齊東野語	六十卷	程史
六十一卷	遼志	六十二卷	金志
六十三卷	松漠紀聞	六十四卷	北轅錄
六十五卷	蒙鞞備錄	六十六卷	北邊備對
六十七卷	西使記	六十八卷	自警編
六十九卷	厚德錄	七十卷	韓忠獻遺事
七十一卷	王文正遺事	七十二卷	寇萊公遺事
七十三卷	南村輟耕錄	七十四卷	遂昌宋樵雜錄
七十五卷	東園友聞	七十六卷	廣客談
七十七卷	稗史集傳	七十八卷	剪勝野聞
七十九卷	野記	八十卷	平夏錄
八十一卷	清溪暇筆	八十二卷	瑯琊漫抄
八十三卷	病逸漫記	八十四卷	震澤紀聞
八十五卷	皇明紀畧	八十六卷	北征先後錄

八十七卷	北征記	八十八卷	西征石城記
八十九卷	興復哈密記	九十卷	復辟錄
九十一卷	可齋雜記	九十二卷	否泰錄
九十三卷	瑣綴錄	九十四卷	古懷雜錄
九十五卷	兩湖塵談錄	九十六卷	復齋日記
九十七卷	繼世紀聞	九十八卷	江海藏渠記
九十九卷	損齋備忘錄	一百卷	靖難功臣錄
一百一卷	備遺錄	一百二卷	差樣勝覽
一百三卷	真蠟風土記	一百四卷	炎微紀聞
一百五卷	滇載記		

歷代小史卷之一

路史

虞羅泌撰

初三皇紀

事有不可盡究物有不可臆言衆人疑之聖人之所稽也易有太極是生兩儀老氏謂有物混成先天地生而濫者遂有天地權輿之說夫太極者太一也是爲太易列國寇曰有形生於無形天地之初有太易有太初有太始有太素太易者未見氣太初者氣之始太始者形之始太素者質之始氣與形質具而未離曰渾淪視之不見聽之不聞循之不得故曰易易無形埒易變而爲一一變而爲七七變而爲九九者究也九變復而爲一一者形變之始也清

合一卷

輕而騫者爲天濁重而墜者爲地冲粹而生者爲人天地網緼萬物化醇男女會精萬物化生而庶彙繁矣雖然治故荒忽并魚聽近非所詳言而往昔載謬又賴不融正閏五德終始之傳乃謂天地之初有渾敦氏者出爲之治繼之以天皇氏地皇氏人皇氏在洞神部又有所謂初三皇君而以此爲中三皇蓋難得而稽據然既掄之矣此予之所以旁搜旅撫紀三靈而復者夫三皇也渾敦氏之世但聞罕漫而不昭晰有不得而云矣王充曰古之水火今之水火也今之聲色後之聲色也鳥獸竹木人民好惡以今而見古繇此而知來千世之前萬世之後無以異也事可知者聖賢所共知也不可不知者雖聖人不能知也

中三皇紀

天皇氏

天地成位君臣道生粵有天皇是曰天靈望獲強專頌禪三舌驪首鱗身碧廬禿褐育出庶物君有五期寔司元化歲紀攝提斟元陟樞以立易威東籙司契無文不懷乾曜迨元像符合氣亭毒萬有風行焱逝靈書八會自然洞神玉券十華人風真淳體真得極提名旋復無門無旁神運四奧被迹無外無熱之陵三輔九翌爲世億齡

地皇氏

天皇氏逸地皇氏作出於雄耳龍門之岳鏗名岳姓馬蹠收育十一龍君迭辟繼道主治荒極雲章載持速天協德與地侔賞太始之元上成正一不生不化覆却萬物得道之東立乎中央神與化游

合一卷

唯庸有光鬼出電人龍興鸞集鉤旋轂轉周而復匝爰定三辰是分宵晝魄死魂生式殷月候諸治徑易火紀周正草榮木替亦號萬齡

伯陽父曰泰古二皇得道之秉立乎中央神與化游以撫四方是故能天運地帶而輪轉無廢水流不止而與萬物相終始然不曰三皇者豈非泰皇之世人道大備非復二皇之代故退者乎十紀而不逐與二靈參邪予故從之別紀二靈而返泰皇氏於九頭紀

九頭紀

泰皇氏

地皇氏逸予有人皇九男相像其身九章胡洮龍軀驤首達腋出刑

馬山提地之國相厥山川形成勢集才為九州謂之九圍別居一方因是區理是以後世謂居方氏太平元正肇出中區駕六提羽乘雲祇車制其八土為人立命守一得妙人氣自正爰役風雨以御六氣昭明神靈光際無臬挺桐萬物無門無毒以叶言教為天下谷迪出谷口還乘清宜覆露六幕罔不承命道襄高厚何德之僭其所付畀與人天參離良是仇有佐無位主不虛王臣不虛貴政教君臣所自起也飲食男女所自始也當是之時天下思服日出而作日內而息無所用已頽然迄終為世之日兩皇並隆有天地則有萬物有萬物則有男女有男女則有夫婦有夫婦則有父子有君臣道也昔者太極泮而渾敦氏職焉渾敦氏逸而有初三皇君三皇射而二靈作二靈後乃有十紀其六在鉅

一卷

靈氏之前百七十有八姓其四在鉅靈氏之後三紀五十二姓而疏佐之紀自黃帝始其歲之遠近置而勿論可也略條刺于右端其一曰九頭是為一姓紀則泰皇氏紀也五龍二是謂五姓紀治在五方司五顯布山岳方是時也世承巢穴日月貞明蓋龍德而正中者也漢世祠之膚施攝提三是謂五十九姓紀太史公言九皇氏沒六十四氏興六十四氏沒而三皇興是也謂六十四氏蓋併五姓而言而所謂三皇者乃合雒之三姓也在漢皆餽合雒四是謂三姓紀教人穴居乘蜚鹿以理運通五是謂六姓紀乘蜚麟以理叙命六是謂四姓紀駕六龍而治

右古六紀在鉅靈氏前

循蜚七是謂二十一姓紀自鉅靈氏而下紀也因提八如辰於

氏之衣皮有巢氏之編蓬遂人氏之出穴皆因其變而舉之也禪通九是謂十有八姓紀史皇氏之通封禪者十有八姓也疏佐十自黃帝氏而紀自秦氏沒而嘗無君矣其子氏也聚生羣處無君親之具仁義禮智之所不用也施報往來之所不行也其有君者五紀予不知幾氏矣司馬貞曰九紀之間豈惟數千百載三十三皇而已哉而莊周之說易姓而王封泰山禪梁甫者蓋七十有二代其有形兆整璜者千八百餘所然則宇宙之端擇符登紀為萬物之主者可勝記邪予讀易大傳而知天地之有初當于僻邑荒村慨見太古之俗顧豈俟身親而後信哉昔者成湯之問夏棘曰古初有物乎夏棘曰古初無物今鳥得物使後之人而謂今之無物可乎冉求亦問於仲尼曰未有天

二卷

地可知乎仲尼曰古猶今也曰然則昔吾昭然而今眇然何也曰昔之昭然神者先受之今之眇然又且為不神者求也祇憫新襲蚩蟲生之州沼創出蟲魚產之一氣之易萬物自見故雖天地必有初也而況於人乎兩間之物彼亦一無窮此亦一無窮豈以不接而遽蔑斷之哉茲固存而不論

循蜚紀

鉅靈氏

鉅靈氏之在天下也控大象持化權乘太極而瞻瀛淑立乎無間行乎無窮揣九變化而與物相斲鍛出於汾隍揮五丁之士驅陰易反山川正流金生神化大凝惟無恒處或云治蜀蓋以其迹躔焉予既得丹壺名山之記又得呂梁碑獲逆帝王之世乃知天未

喪斯文也丹壺書云皇次四世蜀山逌倪六世渾敦七世秉尸
十七世皇單七世啓統三世吉夷四世九渠一世孫韋四世大
巢二世逐皇四世肅成八世凡六十有八世是為因提之紀倉
頤一世栢皇二十世中央四世大庭五世栗陸五世飛連十一
世軒轅三世赫胥一世葛天四世宗廬五世祝融二世吳英九
世有巢七世朱襄三世陰康二世無限六世凡八十有八世是
為禪通之紀可謂備矣而又有鉅靈氏句疆氏自句疆而下次
譙明氏次涿光氏以次至次氏氏如下所叙總曰循蜚紀有號
而無世自是而上亦惟有九皇氏地皇氏天皇氏又上而乃有
盤古氏基之渾沌之說其言渾沌之初所謂上無復色下無復
淵為說甚繁非足貽訓故絀焉自無懷降所叙與名山記大同

卷一

五

此予之史篇所取獻者也鉅靈之號此世所聞焉者也道甲開
山圖云鉅靈與元氣齊生惟始氣之先者又曰鉅靈胡者偏得
神元之道造山川出江河神化之宜豈非鵬冠乎之所謂尸氣
皇者邪予得是書乃更為之不疑也然上之五紀卒寂寥而無
詔系不得而綴矣茲亦可謂富也謹闕之以俟

句疆氏

譙胡氏

涿光氏

伯益之書有譙明之山涿光之山而俱載於北經譙明涿光信
其為繼治者乃知遠古之事非必無傳特恨幽介弗之究亦予
觀於經而信二書之足徵也

鉤陣氏

黃神氏

黃神氏或曰黃袞黃頭大腹出天參政無易天生無散大璞按圖
正端是致天極三百四十歲鉤陣神之號曰黃神

鉤神氏

人皇氏沒鉤神次之出於長淮駕六龍卒政三百歲五葉千五百歲
鉤靈氏

東荒經有鉤靈之尸鉤靈氏之尸也以不壞

於予之路史亦異矣凡孔聖之未嘗言者予皆極言之矣予非
好為異也非過於聖人也夫以周秦而下訖于今耳之所納目
之所接其駭於聽熒者夥矣况神聖之事凡之莫既者邪是堯

卷一

六

舜崇仁義六經論語其理備矣顧且言之吾見焦唇乾哢而聽
之者愈悠悠也是故莊周之徒罵以作之意以起之而後先王
之道以益嚴然則予之所撫正亦不得而不異余予悲夫習常
既正與夫氛氛日趨於奇者之不可以虛言格也於是引其曠
而景者著之此亦韓將軍學兵法之義而蕭相國作未央宮之
意也雖然詠詭亂惑猶弗薦焉覽者知夫讓王法臣漁父說劍
之惜則吾知免矣

大颺氏

大颺氏見於南密或曰泰塊昔者黃帝訪泰塊於具茨一曰大颺蓋

設於無垓垓之宇而臺簡以游泰清者後有颺氏大颺氏
鬼颺氏

鬼驪氏後有鬼氏饒氏攘氏利氏鬼驪氏

介茲氏

泰逢氏

和山者寔為河之九都吉神泰逢司之於黃山之陽出入有光泰逢氏之神也

子曰鬼神之為德其盛矣乎昔者宰我請問鬼神之名子曰氣者神之盛也魄者鬼之盛也合鬼與神教之至也故無鬼神則鬼神之名不立矣奈何季路之問事鬼則曰未能事人既問死則曰未知生說者往往以生死鬼神為性命道德外事有不可以致詰而子路未可與言故夫子不與之言夫若是則夫子既不誠於人之子矣聖人之言未嘗不自盡也鬼神生死人事之

卷一

七

太奚為而不語邪蓋能事人則能事鬼知生則知死矣生死者特性命道德中之一事而鬼神者特性命道德中之一物余豈復外乎雖然神者天之徒鬼者物之徒也惟人之初與天為徒孰不具此神哉惟生之後開閉之不謹而好惡之偏適從而蔽之也古之聖人惟其然也是故開天之天而不閉人之天閉人之實而不閉天之實開天者德生開人者賊生德生者陽明勝陽明勝故識性用賊生者陰濁盛陰濁盛故物欲行識性用則歸于神物欲行則歸于鬼歸于神者與天為徒歸于鬼者與物為徒亦天地之理也今天陽而地陰魂陽而魄陰是故智氣歸天而體魄則歸地神陽而鬼陰君子陽而小人陰是故正直為神而慘險則為鬼德陽而欲陰男陽而女陰是故德盛成男

欲盛成女禽陽而獸陰老陽而釋陰是故釋誤多毛老誤多羽君子於此其可不惑又惑而自墮於鬼物之區哉

冉相氏

冉相氏得其環中以隨成與物無終無始無幾無時曰與物化者一不化者也此之謂真人

中之為道帝王之心即治天下之正道而聖人所以示入德之大方也自成世以來未有本是以為政而能馴致於太治者蓋中也者極之則世人之日月質的也眾見之所宗萬手之所會理之至義之盡配天地而不可以復進是故道得之而為太一天得之而為天一帝得之而為帝一帝一者立乎環中渾兮如有容泊兮如未始出其宗而淫兮無所終窮自伏羲氏以之

卷一

八

傳炎炎帝氏以之傳黃無異付也堯帝氏以之傳舜舜帝氏以之傳禹無異語也降及湯文伊尹周公而中之所以為變者盡矣春秋之世惟皇不極而厥庶民亦失其所以保極之道以故上慢下暴王室如燬數百年而不之復則極之不建其禍正如此也嗟乎卑謀篡範中極之說備矣此家所有也大易之書明言中者五十有五所不言者否剝屯頤咸革賁明夷也卦而已內之中六十有四外之中亦六十有四得其中動罔不吉失其中動罔不凶是故否剝之五亦獲其吉而復泰之三不免乎凶惟其中之不可失也雖然中庸之德民鮮久矣自漢諸儒取過不及之說類之孔伋之書世遂泥於過與不及之中求之亡其統矣夫君子之於中無過也有不及而已致廣大極高明

夫孰得而過邪冉相之道茲其所以寂寥希闊而不繼之豈不
愬歟聖人人倫之至者也欲為君盡君道欲為臣盡臣道盡倫
盡制豈過不及之云乎而彼儉者附誠明假權變繳繞咕囁以
網其姻而濟其姦豈惟無忌憚哉其不至於幸小人而病君子
亦已矣此予之所以贊冉相氏而為中庸泚也

蓋盈氏

若水之間禹中之地有蓋盈之丘蓋盈氏之厓也

大敦氏

雲陽氏

雲陽氏是為陽帝蓋處于沙亦著其泉以故黃帝以來大祀于其
泉云丹徒絳北者非也

一卷

九

遁甲經云沙土之福雲陽氏之厓也可以長生可以隱處雲陽
之山在衡山之陽只今茶陵之雲陽山也予游衡湘道其麓見
山川之靈秀土膏水沉傍徨不忍去亦意嘗有異人者自之西
首山阜麗倚皆西面而北上朝衡嶺矣然攷之皇甫紀實為少
昊之封雲陽氏之蹤固在甘泉其泉之山本曰雲陽以故黃帝
以來每大祀于其泉則長沙之地其亦為始封乎雖然丹陽曲
阿亦秦世之雲陽領也吳地記錄曲阿正秦代之雲陽領太史
時言東南有天子氣在雲陽間秦人於是發楮徒三千鑿雲陽
之北岡曲之因曰曲阿則今之丹徒也昔吳岑昏鑿丹徒至雲
陽杜野小辛間而陳軫屯田鑿句容中道至雲陽西城則今之
破岡濱也故杜佑以丹陽為古雲陽而學道傳謂是茅山若絳

此之陽石者非其止矣載言之流以為僂者蓋知其異也

平常氏

泰壹氏

泰壹氏是為皇人開圖挺紀軌大同之制調大鴻之氣正神明之
位者也是故九皇傳授以索其自然之所生復自然之解與天地
之所始昔者神農實受事于泰壹小子而黃帝老子皆受要於泰
壹元君蓋茫無形管無味要會久視操法攬而長行者有兵法雜
子陰陽雲氣黃治及泰壹之書兵法雲氣書傳間出而黃治雜于
漢後不復見其書言黃帝謁娥眉見天真皇人拜之玉堂曰敢問
何為三一之道皇人曰而既已君統矣又咨三一無乃朗抗乎古
之聖人蓋三辰立則景封域以判邦國山川以分陰陽寒暑以平

一卷

十

歲道軌以衡眾交質以聚民備械以防姦車服以章等皆法乎天
而鞠乎有形者也天地有啓閉日星有薄失治亂有運會陰陽有
期數賢愚之蔽壽夭之質貴賤之事吉凶之故一成而不變類氣
浮于上而精氣萃于下性發乎天命成乎人使聖人以為之紀是
以聖人欲治天下必先身之立權以聚財聚財以施智因智以制
義縣義以出信仗信以著眾眾以行仁安仁以輔道迪道以保
教善教以政俗從俗以毓質崇質以恆行勤行以典禮制禮以定
情原情以道性復性以一德成德以叙命和命以安生而天下自
余治萬物自余得神志不勞而真一定矣予以茲余之身而百夫
之所為備故天和莫至悔吝屢生殺失寒暑之宜動靜失剛柔
之節而貪欺終無所用無乃已乎乎黃帝乃終身弗違而天下治

其為教也至矣水火大淵之事其所言哉

予所叙古之帝王其世治壽考無以稽矣計其年皆不乏三數百歲黃帝曰上古之真人壽蔽天地蓋天真全而天一定不滑其元者也又曰中古之時有至人者益其壽命而強者也亦歸于真人而已蓋乘間維而基七德陵閭闔而隘入落者也又曰後世有聖人者形體不蔽精神不越亦可以齡逾數百雖有脩縮之不齊亦時與數當然然未有不死者釋氏有所謂無常經云天地及日月時至皆歸盡此言雖陋以台觀之物莫不有數有數故雖天地莫能逃山亡川竭郡陷谷遷沙漠遺舊海之蹤厓險著蟠羸之甲晉殿破檻昆明劫灰則所謂地屢敗矣土石自天星碩如雨或夜明逾晝或越裂崩地則天有時而毀矣

卷二十一

十一

故曰乾坤毀則無以見易易不可見則乾坤或幾乎熄矣宛首亦曰天地運度亦有否終日月五星亦有虧盈而况於人乎奈何封君世辟不知乎此蔽於方士之言以求不死不死邈然而小者亂貽天下大者喪身失國不可勝數矣稽之其徒初無是說許王芥言黃帝鑄鼎以疾崩葬橋山莊周言老子之死茶佚弔之三號而出而師曠亦謂周太子面色赤不壽後三年而死孔子聞之曰惜哉殺吾君也是老子初無青鹿上陞之事黃帝初無蒼龍高蹈之言而子晉初無綠鳳空寥之語皆方士之徒設辭以愚弄其君而取寵亦自其教之害焉且物壯不老是謂不道陰陽固有終變倕仝千歲老彭七百亦必死而已矣而荒君亂主方僕僕信事之以至於敗亂而終不悔豈不悵哉昔班

生謂道家本出史官歷記成敗存亡禍福古今之道然後知秉要以自守清虛以自持君人南面之術而老君亦今寇謙書去三張偽法蓋氣微事謂大道清虛顯以禮度為首豈有茲事竊究其要與世禮正詡翊而尤以信行為輓輒初無不絕之言子貢有云死生有命而孔子亦曰衆生必死自古皆有死使孔子而非聖人則斯言為不可信予悲夫世主之甘心於其醜孽而不悟也故博觀死生之際而極論焉尚其曉然知之而不蹈於悔也

空桑氏

空桑氏以地紀空桑者充國也其地廣絕高陽氏所嘗居皇甫謐所謂廣桑之野者或云窮桑非也窮桑在西小顓之居若乃伊尹

卷一

十二

之生共工氏之所灌則陳留矣

空桑在東窮桑在西歸藏啓益云空桑之蒼蒼八極之既張乃有羲和是主日月職出入以為晦明蓋指隅夷之地故記孔子生於空桑春秋演孔圖云徵在游於大家之陂夢黑帝謂已汝產必於空桑而于寶所記徵在生子空桑之地今名孔寶在魯南山之穴故孔廟禮器碑云顏育空桑空桑魯北孔子魯人故說者指云空桑縣而言之魯南山穴之說正自矣夫乃若共工氏之振滔鴻水以薄空桑則為莘陝之間伊尹莘人故呂春秋古史攷等俱言伊產空桑空桑故城在今陳留固非魯也故地記言空桑南祀而北陳留各三十里有伊尹村而所謂窮桑則非此矣拾遺記言窮桑者西海之濱也地有孤桑子尋蓋在西

垂少昊之居梁雖之域故周書嘗麥云帝命蚩尤宇于小顓而遠游草甸西皇所居西海之津西皇者少昊之稱而小顓者少昊之正字也宜為咸陽故咸陽曰雲陽而少昊一曰雲陽氏雲陽縣今隸曜漢甘泉宮即武帝之大時也顓頊繼少昊者故世紀顓頊亦自窮桑遷商立事可知矣而杜預遽以窮桑為在魯北至釋例地名乃云地闕故顓頊達云言魯北者相傳言余蓋以定四季傳封伯禽於少昊之虛逆之而樂史之所記乃在曲阜此又因預而妄之也太昊在東少昊在西予既言之拾遺遠遊窮桑既在西極則魯曲阜之說得非太昊之虛乎郡國志云少昊自窮桑登帝位非空桑也

神氏氏

一卷

十三

天地開闢爰有神氏民神異業精氣通行都於神氏之丘一曰神皇氏駕六蜚鹿政三百歲

倚帝氏

都倚帝山

次民氏

次民氏是為次是民次是民沒元皇出天地易命以地紀穴處之世終矣

丹壺之書其不繆歟今既闕著而或者有不厭命歷之叙其亦有所來乎胡為而多蓋也貴人云何子之好言古曰有是哉今古一也若以古為見邪荀况有言詐人者謂古今異情是以治亂異道而眾人惑焉彼眾云者愚而無知陋而無度者也於其

所見猶可欺也况千世之傳乎彼詐人者門庭之間備挾欺也况千世之上乎以心度心以類度類以說度功以道觀盡今古一也類不牢雖義同理故往緣曲而不迷也五帝之時無傳人非無賢人久故也五帝之中無傳政非無善政久故也虞夏有傳政不知商周之察也而况次民倚帝之時乎以今觀今則謂之今也以後而觀則今亦古矣以今觀古則謂之古以古自觀固亦謂之今也古豈必古今豈必今猶自我而觀之千世之前萬世之後亦不過自我而觀余傳近則詳傳久則略略則舉大詳則舉細愚者聞其大不知其細聞其細不知其大是以文久而感威節族久而絕曷古今之異哉

右循蜚紀二十二氏六十餘世

一卷

十四

因提紀

辰放氏

辰放氏是為皇次屈渠頭四乳駕六蜚麋出地郭而從日月上下天地與神合謀古初之人卉服蔽體次民氏沒辰放氏作時多陰風乃教民揀木茹皮以禦風霜絢髮聞首以去靈雨而人從之命之曰衣皮之人治二百有五十載

事之始未有不善其末未有不敝服食器用王道之也自生民以來至黃帝而大備紉脩增革更幾聖而後至蓋天下之事因乎時不因則不立不時則不成時之所未厭雖聖人不能以強去時之所未安雖聖人不能以強行若興若廢特顧其時而已矣始古之時地獸方興鴻水未息人之患也極矣聖人者作渥

沈鴻而致之海毆蛇龍而放之道然後人得平土而居天地之間滄熱而蕭穎之下足它恙於是教之巢穿以避之此百姓之所與也猶未受也生者有所需焉故多寒也為之羽皮以禦之多傷也為之火食以逐之多疾也為之醫藥以濟之多滯也為之泉幣以行之不疏也為之歌舞以道之不通也為之舟楫以卸之相傾也為之符璽以信之相奪也為之權衡以平之無爪牙以自衛也然後為之城郭羽皮之不給也然後為之布帛木處而顛土處而病然後為之棟宇為之祭祀以致其報為之刑政以率其壞為之車輿以佚其體為之棺槨以厚其終以至為網罟為耒耜為杵臼為弧矢為鯢鯢為鹵醢為醢醢范金合土墮窳泄井黼坐鼎食黼牛乘馬兜矛劍戟重門擊柝各以智巧

一卷

十五

變而通之害至而為之備患生而為之防因其時而極其用生必且然後夫人知有生之為貴養生送死無憾然後人得安其生而樂其化此教治之大基也是其有不善邪降及它時不原其故乃至窮耳目之好以徇人剗生民之脂以自奉傾宮璇臺不足處則更為之萬戶千門合宮龍鵠不足乘則復侈以錦佩珠兩南河西苑備車千乘織金鋪翠費動萬計撞萬石之鍾伐雷震之鼓窮日夜有不足以既其懽弗聞天下之歎嗟而施施自以為樂天道惡盈蟄蛻闕闕而何能以久生乎桀紂幽厲秦政石虎高緯叔寶齊昏隋煬之流亦可以鑒矣惜哉變龍稷禹伊周孔孟分則人臣而安時處順不失天下顯名夏商受魯桓齊稷人君也而清虐者猶商其有禽獸之心惟其見善不

明忠人欲滅天理物至而人化物爾物至而人化物則其夜氣不足以存則其違禽獸不遠也嗚呼物之感人無窮而人之受用無盡君以為足今固不啻足若猶未也雖萬此其足邪顧是數主之所盡力又奚足為美好哉逐物喪我特不思而已矣然則如之何曰吾不為奢亦不為儉使為儉則齊魯宋泰之間分乘燕餘早焚梁梁衍大同之際豆鬻布帳雖唐堯何以加諸吾無取焉必也當其分適其數而已矣

蜀山氏

蜀之為國肇自人皇其始蠶叢柏灌魚鳧各數百歲號蜀山氏蓋作于蜀蠶叢繼目王瞿上魚鳧治渠江連蒲澤俾明時人氓推結左言不知文字上至蠶叢年祚深眇最後乃得望帝杜宇寔為滿

一卷

十六

捍蓋蜀之先也自叢以來帝號其妻曰妃俱堊之昔黃帝為其子昌意取蜀山氏而昌意之子乾荒亦取于蜀山氏惟其後葉及高辛氏以其少子封蜀則繼之者也秦惠文元年蜀人來朝八年伐滅之始降侯云

嗚呼山川設險此天地之所以限疆界也嗟人之生雖聖且智其精神固有限制而洞地之不可極今古同也奈何多欲之君溪心壑志貪以取敗然後百鐫啓而天地閉矣予讀楊雄蜀紀而感夫蜀之所以通中國者夫蜀之為國富饒沃固自一天壤也西番東漢北秦南廣一障之隔自生民以來君君世世蜀不知有中國而中國亦莫知有蜀五帝以來羈縻服外蜀固不為中國少而中國亦不為蜀不足也逮安王時蜀王貪怵求欲

無厭故秦惠得以圖之飾妖饒之予劉怪誕之牛以誘其衷而後復余之路棧矣以故秦人得蜀之貨而遂併天下自是蜀山不閉莫有其有至于今為中州則貪求之所致也一自中國之有蜀也固不可謂之無利也然而風動之辰常先它國而綴靈府一或入保則無復中國之所有者是其為國固鬼神之所作也予既讀蜀紀而感夫蜀之所以通中國者既讀陳子昂之疏而又幸蜀之不通於吐蕃也夫吐蕃之於蜀猶昔日之秦於蜀也方其拏唐之矣大戰則大勝小戰則小勝幾十載矣未嘗亡一旅也以薛仕貴郭待封彪武之將胥十方之衆於大非之川一甲不歸以李敬元劉審禮廊廟之宰辱十八萬衆於青海之上竟不能倖一醜而關隴為虛可謂疆矣然其蕪漢全蜀之珍

一卷

十七

如是之久而不得食者徒以山川之阻絕而障塞之不通也胡為議者欲以梁鳳巴蜚之兵開蜀道繇雅州以討生羗而襲吐蕃夫羗人固未易討而昔者東漢之所繇喪敗者也嗚呼其亦幸而不成歟萬一生羗可破而蜀道遂開則蜀之璽庫自此轉而西矣使我而得吐蕃其財固不足以裕國其地固不足以穡也而徒戮無辜之民竭有常之帑以徇其或得之而得以穡亦何異於釋近熟而創遠業乎又何異於舍已之田而芸人之田者也況已之田舍矣而它人之田未及芸邪昔者漢之武帝好大而喜功使者張騫乃反誇以西域之富於是張兵以爭之四十年間中都之財賦憂國之生靈略盡於西域矣非不得其地也得朔方之郡而自不能以耕也非惟不能耕也得朔方

之生而棄上谷造陽之熟以予胡矣其所以危士臣以結怨者得大宛良馬數十而已使齊楚之巨璧怨而交訟所爭亦不啻是一何默和嗟乎武之轍既覆於前矣而隋之裴矩又以西域之圖湯煬帝之侈心於是親出王門置伊吾且末而關右蕭然始恃盛彊卒歸狼狽此魏公之所以所以傷之者也顧不逮數子嘗言之溟渤漲洋此天地之所以限東微也惡溪沸海此天地之所以限南微也隔河懸度之設乎西瀚海沙予之設乎北此天地之所以遮西而制北者也激障霧於東維界黑水於南極泄流沙於西隅決弱水於北藏此天地之所以界四維也八荒之內奚有奚無八荒之外何窮何止古之聖人一視同仁為吾臣與為狄人臣奚以異是故人得其君則已矣請試舉一隅以憲

一卷

十八

之方昇明之二年倭王奉表以條其祖之勛謂東西之所服者二百九十有六國是固海東之國也倭王之所服者也其所不服者幾什百君其盡制歟支顯西游道其所記亦數百國此于甸以西國也支顯之所知者也其不知者又不知其幾也智猛法盛之錄雲勇道安之傳審至之國不下三四五百大延四域之使魏氏四道之貢所奏之國亦不下三四五百此世之未嘗聞者也是數千國者固俱樂土也其地可謂遠矣而其人亦未嘗有能道天之涯地之角者惡乎食而不已和慮亂者罕其願志遠者刺其目黃帝堯舜非不能服遠也而所守者域服之外一無所事其在周公亦不過曰詰爾戎兵陟禹之迹而已天禹聲教暨于四海而其制中國若是截也伊尹四方之令拘國躬

胡不過三十有六國來者不可距往者不爾追又曷嘗勞吾氓
宣吾府而奉之哉噫先王之政教其施於中國者蓋詳矣推先
王之政教以治中國則禹之所制不為少矣不繇先王之政教
則禹之所制猶將不異於戎狄彼以遠略誇後世而不詳乎其
內者是豈禹之心也哉末世之君不知古者之所以為國而以
貪求速敗豈不甚惑邪嗚呼其亦不聞蜀漢隋氏之事則已矣
少有所知有不為之寒心哉

冠傀氏

冠傀氏後有冠傀氏冠傀氏之迹學者必以不著每以屬之皇
神農後世遂謂神農為冠傀氏失之

渾沌氏

卷一

十九

渾沌氏是為渾敦後有渾沌氏沌氏屯氏若至於所謂盤古氏異矣
予嘗議三墳之偽渾沌氏豈太昊之佐哉六韜之書渾沌氏在
吳英氏前及班固表古今始列之伏羲之下應劭作書遂以為
太昊之良佐三墳姓纂一皆因之失其本矣昔者孔子謂子貢
曰渾沌氏之治若子與汝奚足以知之渾沌氏豈太昊之佐哉
此班生之失也雖然渾沌氏之治於今果何如邪老詹子曰古
者被髮而無卷領以王天下其德生而不殺予而不奪天下之
人非其服而同懷其德當是之時陰陽和平萬物無息蜚鳥之
巢可俯而探也走獸可繫而從也蓋執中涵和除目無歲無內
而無外者此渾沌氏之治也至其衰也鳥獸虫蛇皆為人害是
故迫其難則求其便因其患則操其備故常不必循器械不必

因後世因時而有變易亦以輔萬物之自然而已矣七十九代
之君其為法不同而俱王于天下繇此道也食也息也何久近
之殊哉嗟乎舊國舊都望之悵然雖使丘陵草木之繇入之者
十九猶之悵然况見聞聞者乎夫有盛必有衰而衰者必復
有冬必有夏而冬者必開此天地之化氣也今也觀古之人被
畫冠服而企止者質厚魁偉重視深息氣象固已殊矣况三代
之時乎三代之世聖賢自多而况出於其上者乎然則君子何
獨於渾沌氏疑之哉彼將憮告賜之言者吾不憚也

東戶氏

東戶氏之熙載也紹荒屯遺美好垂精拱默而九寰以承流當是
之時禽獸成群竹木遂長道上頽行而不拾遺耕者餘饒宿之隴

卷一

二十

首其歌樂而無謠其哭哀而不聲皆至德之世也
前世之史患乎略後世之史患乎詳予述此書自述人而下益
詳蓋法之始禮之初政治可則不得不詳也遂人而上雖復
著之有不得而詳者若夫上之號氏世姓多得之外書與夫封
禪之文於儒書無所見雖或有之連塞其文深源其說如風俗
通之列僊氏始學篇之卷須氏皆誕繆無執者也又有得以僅
存者如氏譜之吉夷氏莊子之冉相氏稀希氏皇覽之巫常氏
王潛夫之神民氏子思子之東戶氏亢倉子之几護氏風俗通
之帝嚳氏和菟史之太鬼氏鬼鬼氏命曆叙之黃神氏狙神氏
辰放氏皇談氏然皆不得攷其上下獨夏后氏之書注山水之
所自多有諸其號氏者豈其人之所自出而迹之所繇邪以此

諦其不誣也故予得以詳擇焉

皇暈氏

皇暈氏一曰離光氏父頭目角路六鳳皇出地衡春秋命曆序在而不

治官天地府萬物審平無假是故紀生同兆而不可相陵治二百

五十載

至政之謂時至變之謂世時政耳而僅世變三而復三變則百
年矣子曰善人為邦百年亦可以勝殘去殺矣勝殘去殺宜若
小然今也善人為之猶有待於百年何邪世變之道然也男子
生三十壯有立於是始室父子相及是故古者三十年而成世
如有王者必世而後仁蓋一世則變矣天時人事皆一更矣變
極亂而為極治無生而為無殺至殘而為至安豈一朝一夕哉

一卷

廿一

殘之勝殺之去故必三變而後復也五帝無殺者也三王無殘
者也而五伯則無生也無安也伯一變而王王一變而帝帝則
皇皇則道矣繇無安而至於無殘無生而至於無殺必有漸也
齊一變至於魯魯一變至於道風移世革宜必百年而後可也
今夫五月旱暵人知為暑也而陰實生之十月冰霰人知為寒
也而陽實始之治亂之變亦陰陽與寒暑也寒暑之期三月而
移治亂之勢百年而復善歲之家知寒暑之必至故在暑而寒
成在寒而暑成是以終身無寒暑之憂善世之君知治亂之不
常故在安而圖危在治而圖亂是以畢世無佔危之患居今之
世不變今之道雖與之以天下不能一朝居矣嗟乎自有君此
於堯知辰放皇暈遂人有巢為世之期皆逾二百正所不論而

啓統氏

一卷

二十二

羲炎若黃帝青瑱唐虞直不下於百年天下大治繇堯而來三
千年間百世矣紀載之不可明紀者蓋亦時有之矣四海之內
或合或離或治或亂或唱或隨或強或羸一二世而其風已替
固未有兼世而能一其風俗者雖有名世繼世而興猶心化之
一治教之一決而後民之情始可以一變其繼固者有能不替
則雖民如夷狄三變而帝道可期矣觀時會通豈欲速之功哉
奈何國無百年之世世無百年之道以其代有賢不肖矣帝相
灋茲文王所以望而未見時之難人之難此治世所以常少亂
世所以常多先王之治所以不務廣地而務詳其政教誠以天
下之治難乎其繼復也

吉夷氏

吉夷氏後有吉氏

見姓譜

几遽氏

几遽氏之在天下也不治而不亂徇耳目內通而外平心知天下